


सरग, परमेसर को खूबसूरत घर बाइबल, परमेसर का बचना की कहाणी मं पायो गियो यूहना 14; 2 कुरुन्थियो 5; प्रकाशितवाक्य 4, 21, 22 “ज्यो थांकी जन्दगी मं उजाळो देव् अ छ।” भजन 119:130		सरग, परमेसर को खूबसूरत घर  लखबाळो Edward Hughes सम्झाबाळो Lazarus अनुवाद करबाळो Royson Norman D'Souza रूप बदलबाळो Sarah S. 60 मंसुं 60 कहाणी M1914.org Bible for Children, PO Box 3, Winnipeg MB R3C 2G1 Canada अनुज्ञापत्र (लाइसेंस): थे यां कहाण्या की फोटू कॉपी और छपवा सको छो, शरित याई छ क बैच् अ कोन् अ। 	
परमेसर जाण् अ छ क आपा अस्थान को गुनो करया छा जिन् अ वो पाप खेव् अ छ। अर पापा की सजा मोत छ। परमेसर आपा सुं अतरो परेम कर अ छ क वो खुद का छोरा ईशु न् अ आपणा पापां की सजा बेई सुळी प चदर खुद का पराणा की बलि देबा खन्दायो। ईशु मरर फेरू जीवतो होयो अर पाछो सरग मं चलग्यो। अब परमेसर आपणा पापां न् अ छमा कर सक् अ छ। ज्यो थे थांका गुना सुं अर पापां सुं बचबो चावो छो तो उंसुं अरदास करो; प्यारा परमेसर मन् अ बस्वास छ क ईशु म्हार बेई खुद की जन्दगी की बलि दियो छ अर अब फेरू जीवतो होयो छ। हे परमेसर तु म्हारी जन्दगी मं आ अर म्हारा पापां न् अ छमा कर द् अ। जिसुं म एक नुई जन्दगी जी सकूँ। अर सदा हमेश थारी लार रे सकूँ। हे परमेसर म्हारी सायता कर क म थारी ओलाद की न्याऊ जी सकूँ। आमीन। यूहन्ना 3:16 बाइबल पढ़ा अर रोजीना परमेसर सुं बातां करां।	ढुंढाड़ी Dhundhari	ईशु धरती प छो जदया वो खुद का चैला न् अ सरग का बारा मं बतायो छो। वो उन् अ “म्हारा बाप को घर” खेव् अ छो, अर खियो क उण्ढ् अ घणा सारा महल छ। महल एक घणोई बड़ो अर सुंदर घर होव् अ छ। धरती का घरो सुं सरग घणो बड़ो  अर सुंदर होव् अ छ। 1	ईशु खीयो, “म थांक अ बेई एक चोखी ठोर तैयार करबा जारयो छुं। अर जस्यान ई म थांक अ बेई एक चोखी ठोर तैयार कर ल्युलो, म फेरू आऊलो अर खुद थान् अ लेजाऊलो। मोत सु जाग्या पाछ् अ, पेली ईशु सरग मं गियो छो। अर उंका चैला देखरया छा। क ईशु बादळा मं गुमग्यो।  2


उक़अ पाछुअ, उका पाछा आबा क अर उंसु मलबा बेई ईसाई परमेसर का बचन नअ याद करया। ईशु खियो क, वो आण्ण्युकोई पाछो आवअलो, जदया ताणी आश रखाणा। पण वा ईसाया का बारा मं काई ज्यो उका आबा सुं पेली मरजावअ? बाइबल खेवअ छ क वे सिधा ईशु सुं जा मल्अला। काया

की गैर मेजुदगी मं परमेसर की मेजुदगी रेवअली।

परमेसर की लार मैजुदगी

3

बाइबल की आखरी कताब सरग, को राज बतावअ छ क सरग कतरो अणहोतो छ। एक खास गैल्ला सुं सबसुं अचम्भा की चिज या छ क, सरग परमेसर को घर छ। परमेसर सबळी ठार रेबाळो छ। पण उंको राज आसन सरग मं छ।



4

सरग दूत अर दूसरा सरग मं रेबाळा परमेसर नअ पुजअ छ। अस्यान परमेसर का जतरा भी मनख मरग्या अर सरग मं चलग्या। वे सबळा परमेसर की महमा बेई एक गीत गावअ छ।




5

ज्यो गीत वे गावअ छ वामअ सुं एक का बोल अस्यान छः तु गुणवान छ, तु म्हा सबळा नअ मुक्ति दियो छ, परमेसर सुं, हरक देश अर लोगबागां बेई खुन बुवार आपां नअ आपणा परमेसर बेई राजा अर सेवाकरबाळा (पादरी) बणाया। (Rev. 5:9)




6

बाइबल का आखरी पन्ना मं सरग नअ “नूवो यरूशलेम” खिया छ। उक़अ च्यारुमेर घणी उंची उंची ढोळ्या छ। वा ढोळी स्फटिक का जैस्पर भाटा सुं बण मेली छी। घणा सुवावणा रंगा सु जगमगाती या ढोळ्या की नीम महंगामोल का भाटा प अर गहणागाठा सुं ढक मेली छ। हरक शहर का बाण्णा एक ही मोती सुं बण मेल्या छ।




7

यो घणा बड़ा मोत्या को बाण्णो कदया भी बन्द कोनअ होवअ। चालो मेईनअ चाला अर देखा ... वाह! सरग तो मेईनअ सुं घणो ई चोखो छ। सबळो शहर आरपार दिखबाळा काच की न्याई का चोखा सोना सु बण्यो छ। अण्हअ ताणी क गळ्या भी सोना की बणमेली छ।




8

परमेसर का सिंहासन सुं एक जन्दगी देबाळा साफ, सुन्दर पाणी की नन्दी बह री छ। नन्दी क दोनी बाजू जन्दगी देबाळा रूखड़ा छ, ज्यो पेलभड़ताई अदन को बाग मं छो। यो रूखड़ो घणू खास। यो बारा मिना मअ न्यारी-न्यारी तानी का फळ देवअ छो। अर इका जन्दगी देबाळा पत्ता मनखा बेई रोगकाटा छ।




9

सरग मं उजाळा बेई सुरज अर चाँद की जुरत कोनअ। उण्हअ परमेसर का जस सुंई उजाळो हो जावअ छ। अण्हअ कदया भी रात कोनअ होवअ।



10

अण्हअ ताणी क अण्हअ का ज्यानबर भी न्यारा छ। ये सबळा पाळेड़ा भायला जियान का छ। लळडी अर न्याळी दोनी एकलार खावअ छ। अण्हअताणी क शेर भी बळद की जियान चारो खावअ छ। परमेसर खियो, “ये म्हारा पवितर दुंगरा नअ नतो दुखी अर न कदया भी उजाड़अला।”



11

मैं जियान ई च्यारुमेर नाळ्या तो देख्या क सरग सु एकात चिजा गायप छ। रोषा का एक भी शब्द कोनअ सुण्या। कोई भी लड़ाझगडी करबाळा अर मतलबी कोनअ छ।



12

अण्हअ कस्या भी बाण्णा कअ ताळा कोनअ छ, क्युं क सरग मं कोई भी चोर कोनअ छो। अण्हअ झूठ बोलबाळा, हत्यारा, जादूगर अर कोई भी कमजोर मनख कोनअ छ। अण्हअ सरग मं कस्यान को भी पाप कोनअ छो।




13

अण्हअ सरग मं परमेसर की लार कोई क भी आँसु कोनअ छ। कदया-कदया खुद की जन्दगी मं घणा दुखा की बजे सुं परमेसर का मनख बळावअ छ। सरग मं परमेसर वां सबळा का आँसु पुंछ देवअलो।




14

अण्हअ सरग मं मोत कोनअ होवअ। परमेसर का लोगबाग सदा हमेस परमेसर की लार रेवअला। अण्हअ नतो दुख, न बारकुकोटो, न चड़पिड़ा, न बीमारी, न जुदाई, न काया का काम। सरग मं सबळा परमेसर की लार सदा हमेश राजी रेवअ छ।



15


सबळा सुं चोखो, सरग छोरा अर छोरया दोन्या बेई छ ज्यो ईशु मसी न मुक्ति देबाळो मानर बस्वास रखाणअ छ अर उन्अ परमेसर की जियान मानअ छ। सरग की एक कताब जिन्अ उणैठा की जन्दगी देबाळी कताब का नाऊ सुं जाणअ छ।



16

या मनखा का नाऊ सुं भरी छ। थे जाणो छो कोई क इम्अ कुण का नाऊ मण्ढमेल्या छ? वां सबळा मनखा का ज्यो ईशु मं बस्वास करअ छ।

थांको नाऊ इम्अ छ काई?



17

सरग का बारा मं बाइबल का आखरी शब्द एक अणोतो नुतो छ। “सासु अर बू खेवअ छ, ‘आओ!’ उन्अ आबाद्यों ज्यो सुणअ छ ‘आओ!’ ज्यो तसायो छ उन्अ आबाद्यों। अर ज्यो तसायो छ उन्अ आजादी सुं जन्दगी देबाळा पाणी ले ल्याबाद्यों।”



18